

8. I whakaari a Mrs. Takihika (Mohaka) mo tetahi moni na te ropu Mothers' Union ara i mea ia ko etahi o ratou kua rere atu ki waho a kei te awangawanga ratou ki te ahuatanga o a ratou moni. E tono ana ki Te Pihopa mehemea pehea tenei ahuatanga.

I whakamarama Te Pihopa ko era moni i mahia e te Mothers' Union o roto o Te Hahi na reira ko nga mema i rere atu ki waho kaore whai tikanga mai ki roto. Ko to ratou mana kua koere. Otira mana ano e ui ki nga roia o Te Hahi a ka whakaatu mai ai.

9. Pohe Hemi i tono ki Te Pihopa mehemea pehea nga moni o te hahi ko nga kai tiaki moni kua rere atu ki waho pera me nga moni o Te Pakipaki.

I whakamarama hoki a Peneti kua tae mai te ui kia ia mo aua moni kaati kua ki atu ia me tuhi ki te tari notemea kei reira aua tikanga katoa e tiaki ana.

10. I konei ka panuitia e Rev. Hakiwai tetahi reta mai no Ngapahi mo etahi mahi penei ano te ahua a whakatauria ana e Te Kooti Whenua kua he te hunga i rere atu ki waho ara kaore o ratou whai waiitanga mai ki nga mea i mahia e to ratou hahi matua.
11. I motinitia e Peneti a i tatokona e Huata kia tukua atu he mihi ki te hunga whatekau o Te Wairoa kua hoki mai nei ki te oha a o ratou tupuna, notemea kei te mohiotia atu te uua, otira no katoa te rangimarie te pono me te tika, no reira kia puta he whakamomiti he whakahonore ki Te Matua mo ana painga me ana manaakitanga i tenei me Te Iwi Nui tonu.
12. I whakaatu a Netana i te hiahia kia awhimatia ratou mo tetahi Nurse mo Mohaka katoa i te mea tekau-wa-rua pauna ka tae mai te takuta a tekau herengi ka korero atu i roto i te telephone. I tautoko a Peneti i tenei take a i whakaatu hoki ia i te Nurse kua tu mo Heretaunga na Te Kaunihera o Tamatea i tono. Kaati mana e tuhi ki te wahi e tika ana me kore tenei hiahia pai e whakaatia mai.
13. I patai a Rev. Hakiwai mehemea e whai mana ano nga Maori ki te tono moni i Te Hahi i runga ano i te itareti tika.

I whakamarama Te Pihopa ko nga mahi tuku moni kei roto i nga ringa o nga roia o te Hahi, a kaore he rereketanga o te Maori i te pakaha i te mea tonu e tika ana nga punga.

Ko nga kaulou:- Na peneti "Nekemeke ake".

Na Hakiwai "Ki te hoki mai koutou ka haere atu ahau."

Na Huata "He toki ano te toki he ngahere ano te ngahere."